

四庫未收書輯刊編纂委員會編

四庫未收書輯刊

北京出版社

伍輯·柒冊

四庫未收書輯刊

四庫未收書輯刊編纂委員會編

北京出版社

〔清〕劉名譽撰

越事備考十三卷
（原缺愚說一卷）

清光緒二十一年桂林刻本

伍輯・柒冊目錄

越事備考十三卷（原缺愚說一卷）

〔清〕劉名譽撰

一

歷代儒學存真錄十卷

〔清〕田倣撰

一七一

江北運程四十卷首一卷・之一

〔清〕董恂撰

三〇九

〔清〕劉名譽撰

越事備考十三卷
(原缺愚說一卷)

清光緒二十一年桂林刻本

諭旨奏議 芻言 案略 愚說

越事備考

香山黃槐森署檢



光緒二十一年夏四

月慕盒氏刊於桂林

序

甲申乙酉之間法越交開中國綏藩固圉
率師援之諒山之捷法人警慄倉猝乞款
爲道咸以來中外交綏一大轉機使乘此
軍威一震各行省勵精圖治講武練兵環
顧海疆有備當可以無患詎近者倭夷又
構衅矣變質我藩輔虔劉我邊陲豕突狼

越事備考敘

卷首

犇尙稽就戮毋亦思患預防之道有未周
歟維時嘉樹太守獨居深念振觸舊懷
迺出越事備考一書以質當世意謂前車
可鑒觀於越南往事則後之籌邊者宜何
如懲毖也其書於當日議戰議防凡邸鈔
公牘芻說蕘言博采兼接而附以所著論
斷廣見聞而資採擇非盱衡時局慮遠思

深者其致力必不能如是之專且精也變故紛乘人材難得尤願本夙所蘊蓄出而徵諸措施高掌遠躡宏濟時艱而不僅以著述見折衝禦侮太守其有志乎攬轡慨然且拱手埃之矣

光緒二十一年孟春撫粵使者江都張聯

桂拜敘

越事備考敘

卷首

二



敘

晉讀鵲鵲之詩曰迨天之未陰雨徹彼桑土綢繆牖戶今此下民誰敢侮予孔子曰爲此詩者其知道乎孟子曰猶七年之病蓄三年之艾也此皆疾痛之深沉摯之詞也今之談洋務者比比矣論其所事畧有數端曰語言文字也約章公法也機器製造也通商游歷也得其一二即可以邀榮名躋顯仕問有思深慮遠統籌全局實事求是者殆如景星慶雲吁可慨已吾師劉嘉樹夫子桂林名碩天資英敏沉毅絕人綺歲擢高科抱懷經世之偉畧服官中外蒿目時艱洋防兵法之書異域風土之志靡不悉心研

越事備考敘

卷首

一

究肆力講求蓋其忠愛由自性生盱衡大局引爲切膚之事嘗膽臥薪有不能自已者法越之役師方弱冠上書彭剛直公繼繼萬言剛直目之爲第一流旋里省親桂門著述舉凡邊關羽遞申粵彙報奏議條陳但有關係防戰者必旁搜博採篝燈手錄元元窮年裹成卷帙既而迴翔清秘輶車四出是書遂久襲篋衍無暇釐訂歲壬辰師出守瓊崖周歷沿海要隘慨然動有備無患之思乃於公餘退食檢集稿頁付之胥抄部分五種曰

諭旨

曰奏議曰芻言曰案畧曰愚說統名之曰越事備考敘而存之不輕示人師之苦衷孤詣其有徹土蓄艾之心乎

聖朝

今秋大比釣等僑寓會城值 師奉諱家居憔悴愀然有
憂天下之色得愛此書而讀之見其條分縷晰擇精錄詳
言戰言防切中肯綮洵康濟之金繩談兵之南轡也茲者
優衅已開籌邊尤亟咸再四請於 師門付梓流傳用備
之采擇敬誌原起於卷末或亦窺豹一斑云爾
光緒二十年歲在甲午秋七月下浣受業維鰥謹敘

越事備考知

卷首

自敘

國家龍飛二百數十載薄海內外

悉主悉臣法夷狡焉啓鬻交

趾洪惟

皇威遠讐

聖武光昭法迺始抗終溝

朝廷大度懷柔俯如所請化干戈

為玉帛懿與偉與

越事備考敘

卷首

一

天地覆幬之仁也當措端亟肯率

士臣民同汲義激名譽弱書
生亦為之奮袂扼腕屬乞假
里居抑々號牖然邊情郵遞

越事備考敘

卷首

二

官私議說未嘗不旁咨博采
兼聽併收有所見聞輒鱗
次手撮篝鐙兀々每至宵分
裘葛一更衷然成帙置之

諭旨以見阪泉涿鹿

越事備考敘

卷首

三

中篋十載於茲頃者伏處偶
閒加以釐訂都為一集冊首
恭繕

樞運之神次節鈔奏議以見變

伐鷹揚發繼之勩次排臚
芻言甫

虞廷察邇之一助焉次越事案略語

焉未詳或依稀攷末殿以千
 憲之愚說洵所謂土壤細流
 者已吁三年蓄艾綢繆未
 雨或苞桑之義所不廢焉若
 夫握固在本折衝在心格禁
 在形壯老在理則知幾其
 神者矣茲編又其濫觴
 也夫

靖江劉名譽嘉樹甫自記



例言

一西國每有戰事兩國皆有專人紀載詳細無遺事後皆彙成一書前事爲師可備後來之取則西人用心沈鷺大率類此茲編雖非在營紀載亦抑有聞照錄俟採擇焉

一編中恭錄

諭旨皆就見諸邸鈔及新聞報中共聞共見者敬謹彙刊一是一編之作值里居桂林僻在一隅耳目俱隘僅據邸鈔館報及誣託邊友訪寄之緘薈華甄錄極知挂漏倘海內同志君子肯以詳輯見惠俾增補完善幸甚盼甚

越事備考例言

二

一芻言條陳刊入館報者其撰著之人半用別號今悉從闕如俟補訪姓名再行彙注
一編輯粗就復於篇中議論精要可行處妄加額注並丹鉛句讀以期閱者豁目易於選用
一案略一門搜采尙隘如滇南臺灣鎮海各口情事未能詳晰容俟陸續補入

越事備考總目

上論序

例言

共一卷

奏議

共三卷

芻言

共六卷

案畧

其二卷

愚說

一卷

越事備考

首卷總目

桂林劉名譽嘉樹氏編輯

門人臨賀黃維璣校

男信同校

姪信

勵

上諭近聞法兵攻佔順化河岸礮臺現有停戰議和之說且
值越南國王病故情形岌岌可危我軍更宜加意嚴防著
倪文蔚徐延旭督飭各營聯絡聲勢認真扼守北圻要區
併隨時確探軍情迅速具奏等因欽此

上諭法越構兵一事法人自攻佔順化河岸礮臺後迫脅越
南議約十三條該國情形岌岌可危邊事孔棘防務尤形
喫緊近聞越南黑旗各營復經接仗獲勝滇粵防軍皆須
嚴密布置聯絡聲勢不可稍涉鬆勁粵西各營相距較近
更宜加意豫備所有糧餉關繫最要軍火器械尤須擇其
利者力籌接濟毋任缺乏但能堅持日久彼族不得逞志
或可徐就範圍該督撫藩司等務當悉心妥籌相機辦理
以維大局等因欽此

上諭現聞法人欲以大隊兵船至廣東尋衅法使脫利古於本月十三日由滬乘兵船來津彼族詭計多端恫喝要挾意殊叵測粵西防軍仍當嚴密扼守不可稍涉鬆勁若倪文蔚徐延旭督飭各營穩慎辦理並將近日順化情形隨時探明據實具奏等因欽此

上諭法越溝兵以來北圻越兵雖迭獲勝而河內未經克復法人據此要害之區北圻終難自固現在法人直逼順化迫脅越南議約法使脫利古已至天津並有以兵船直至廣東尋衅之說無非意存恫喝肆其要求惟有堅持定見以折其謀但彼族詭詐多端非空言所能折服全視邊防之能否得力以爲操縱近日河內一帶軍情若何越軍有無戰事著岑毓英倪文蔚唐炯徐延旭確探情形督率在防各軍嚴密扼守不可稍涉鬆勁法人若以兵船駛赴廣東斷不可聽其進口張樹聲裕寬當速籌布置以備不虞並催調方曜回省妥商籌辦欽此

上

論法人既與越南立約必將以驅逐劉團爲名專力於北圻滇粵門戶豈可任令侵逼現經總理各國事務衙門照會法使告以越南久列藩封歷經中國用兵勦匪力爲保護爲天下各國所共知今乃侵陵無已豈能受此蔑視倘竟侵及我軍駐紮之地惟有開仗不能坐視等語如此後法人仍欲逞兵於北圻則我之用兵固屬名正言順劉團素稱奮勇現在退紮山西距河內稍遠着徐延旭飭令劉永福整軍進紮相機復河內省城不可稍有退沮北甯爲吾勇駐紮之所如果法人前來攻逼卽着督飭官軍竭力捍禦毋稍鬆勁前據左宗棠奏擬飭王德榜調募廣勇數營駐紮滇粵邊界並在廣東捐輸籌餉等語當經諭令聽候諭旨遵行現在廣西邊防緊要誠恐兵力尙單聞王德榜現在永州已招募營勇聽調倘已成軍着左宗棠卽飭該藩司迅速帶赴廣西邊外扼紮歸徐延旭節制所需餉項着待廣東捐需緩不濟急着左宗棠預爲籌定仍由江南竭力籌撥俾無缺乏岑毓英等前奏滇軍駐紮山西輪船礮彈可及城中防守不易惟該城與北甯相距較近必應固守以成犄角之勢唐炯現駐防所自應隨時相機調度乃該撫並未奉有諭旨率行回省致邊防鬆懈咎實難辭着摘去頂戴革職留任以觀後效如再退縮不前定

越南備考

論旨

卷首

五

行從重治罪滇省防營無多難支策應着岑毓英唐炯添募數營以厚兵力此舉係專爲法人侵我藩屬逼近邊境不得不力籌防禦至內地各國通商地方及法之商人仍當隨時保護免致別滋口實倘法人竟以兵船來華尋衅必應先自戒備着左宗棠李鴻章張樹聲倪文蔚裕寬迅籌布置不可視爲緩圖天津密邇京師關繫尤重李鴻章籌辦海防有年爲朝廷所倚重爲天下所責備尤應勉力圖維不得意存諉卸將此由六百里各密諭知之欽此

越南備考

論旨

卷首

六

上諭目前最要者約有數端越南世修職貢爲我藩屬斷不能因與法人立約致更成憲必與之切實辨明通商一節若在越南地面互市尙無不可如深入雲南內地處處通行將來流弊必多亟應預爲杜絕劉永福黑旗一軍屢挫法兵爲彼所深恨蓄志驅除自在意中豈可遂其所欲此次法人侵佔越南岬自彼開我無失和之意若再索償兵費不特情理所必無亦與各國公法顯背以上各節均與大局極有關繫李鴻章膺此重任宜如何竭力圖維預籌辯論等因欽此

上諭越南爲我大清封貢之國二百餘年載在典冊中外咸知法人狡焉思逞肆其鯨吞先據南圻各省旋又進據河內等處戕其民人利其土地奪其賦稅越南君臣閭閻苟安私與立約並未奏聞法國無理越亦與有罪焉是以姑與包涵不加詰問光緒八年冬開法使寶海上天津與李鴻章議約三條正飭總理各國事務衙門會商妥籌法又撤使翻議我存寬大彼益驕貪越之山西北甯等省爲我軍駐紮之地清查越匪保護屏藩與法國絕不相涉本年二月間法兵竟來撲犯防營當經降旨宣示正擬派兵進取力爲鎮撫忽據該國總兵福祿諾先向中國議和其時該國因埃及之事岌岌可危中國明知其勢處迫感本可峻詞拒絕而仍示以大度許其行成特命李鴻章與議簡明條約五款互相畫押諒山保勝等軍應照議於定約三月後調回迭經諭飭各該防軍扼紮原處不准輕動生衅帶兵各官奉令維謹乃該國不遵定約忽於閏五月初一初二等日以巡邊爲名在諒山地方直撲防營先行開礮轟擊我軍始與接仗互有殺傷法人違背條約無端開衅傷我官軍本應以干戈從事因念訂約和好二十餘年亦不必因此盡棄前盟仍准總理各國事務衙門與在京法使往返照會情喻理曉至再至三閏五月二十四日復明

降諭旨照約撤兵昭示大信所以保全和局者實已仁至義盡如果法人稍知禮義自當翻然改悔乃竟始終怙過飾詞狡賴橫索無名兵費恣意要挾於六月十五日佔據臺北基隆山礮臺經劉銘傳迎勦獲勝立即擊退本月初三日何璟等甫接法領事照會開戰而法兵已在馬尾先期攻擊傷壞兵商各船轟毀船廠雖經官軍焚毀法船二隻擊壞雷船一隻並陣斃法國兵官尙未大加懲創該國專行詭計反覆無常先啓兵端若再曲予含容何以伸公論而順人心用特揭其無理情節布告天下俾曉然於法人有意廢約畔目彼開各路統兵大臣暨各該督撫整軍

越事備考 諭旨

九

經武備禦有年沿海各口如有法國兵輪駛入著即督率防軍合力攻擊悉數驅除其陸路各軍有應行進兵之處亦即迅速前進劉永福雖抱忠懷而越南昧於知人未加拔擢該員本係中國之人即可收爲我用著以提督記名簡放並賞戴花翎統率所部出奇制勝將法人侵佔越南各城迅圖恢復凡我將士奮勇立功者破格施恩並特頒內帑獎賞退縮貽誤者立即軍前正法朝廷於此事審慎權衡總因動眾興師難免震驚百姓故不輕於一發此次法人背約失信眾怒難平不得已而用兵各省團練眾志成城定能同仇敵愾並著各該督撫督率戰守共建殊勳

同膺懋賞此事係法人渝盟肇衅至此外通商各國與中國訂約已久毫無嫌隙斷不可因法人之事有傷和好著沿海各督撫嚴飭地方官及各營統領將各國商民一律保護即法國官商教民有願留內地安分守業者亦當一律保衛儻有干豫軍事等情察出即照公例懲治各該督撫即曉諭軍民人等知悉儻有藉端滋擾情事則是故違詔旨妄生事端我忠義兵民必不出此此等匪徒即著嚴拏正法毋稍寬貸用示朝廷保全大局至意將此通諭知之欽此

越事備考 諭旨

十

發去內帑銀十萬兩著交穆圖善領四萬兩何璟張兆
棟領三萬兩張佩綸領三萬兩豫備賞給出力將士該船
著名頭目著重賞懸購兵民中有能擒斬法兵焚毀法船
者即破格給賞內帑未到以前如有立功之人即須頒給
者不拘借撥何款應用朝廷不惜巨帑激勵將弁尤賴該
將軍等堅持定志出奇制勝省防緊要該督撫督同文武
各員嚴密防守如有心存畏怯借詞出城定即從重治罪
欽此

旨岑毓英電稱飭令劉永福進兵有藉詞求緩等語現在進
規北圻全在用人得宜著岑毓英激勵該提督奮勉立功
並妥爲籠絡務令感恩畏威毫無猜疑儻駕馭失宜惟該
督是問前令酌保黃守忠等並飭速行奏請候旨施恩潘
鼎新染瘴支持殊深廩念該督撫務當同心協力以奏膚
功此旨著張之洞譯知潘鼎新轉咨岑毓英遵照欽此